

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

## **NAREDBU O HOMOLOGACIJI:**

### **I UREĐAJA ZA ZAŠTITU OD PODLIJETANJA SA ZADNJE STRANE;**

### **II VOZILA U POGLEDU UGRADNJE UREĐAJA ZA ZAŠTITU OD PODLIJETANJA SA ZADNJE STRANE HOMOLOGOVANOG TIP;**

### **III VOZILA U POGLEDU ZAŠTITE OD PODLIJETANJA SA ZADNJE STRANE**

#### **I PODRUČJE PRIMJENE**

##### **Član 1.**

Vozila kategorija N<sub>2</sub>, N<sub>3</sub>, O<sub>3</sub> i O<sub>4</sub> i njihovi uređaji za zaštitu od podlijetanja sa zadnje strane moraju biti homologovanu u skladu sa ovom naredbom.

Ova naredba se primjenjuje na:

- uređaje za zaštitu od podlijetanja sa zadnje strane koji su namjenjeni za ugradnju na vozila kategorija N<sub>2</sub>, N<sub>3</sub>, O<sub>3</sub> i O<sub>4</sub>;
- ugradnju uređaja za zaštitu od podlijetanja sa zadnje strane homologovanih u skladu sa ovom naredbom na vozila kategorija N<sub>2</sub>, N<sub>3</sub>, O<sub>3</sub> i O<sub>4</sub>;
- vozila kategorija N<sub>2</sub>, N<sub>3</sub>, O<sub>3</sub> i O<sub>4</sub> opremljena sa uređajem za zaštitu od podlijetanja sa zadnje strane koji nije posebno homologovan u skladu sa ovom naredbom ili koja su konstruisana i/ili opremljena tako da se može smatrati da njihovi sastavni dijelovi u cjelini ili djelimično ispunjavaju funkciju uređaja za zaštitu od podlijetanja sa zadnje strane.

Ova naredba se neprimjenjuje na:

- vučne jedinice zglobnih vozila;
- prikolice posebno konstruisane i izrađene za prevoz veoma dugih tereta koji se ne mogu dijeliti uzdužno, kao što su balvani, čelične šipke i sl.;
- vozila kod kojih je uređaj za zaštitu od podlijetanja sa zadnje strane nekompatibilan sa svrhom njihovog korišćenja.

Svrha ove naredbe je da u slučaju udara sa zadnje strane vozila kategorija M<sub>1</sub> i N<sub>1</sub> pruži djelotvornu zaštitu od podlijetanja pod vozila iz stava 1. ovog člana.

#### **II ZAHTJEVI**

##### **Član 2.**

Jednoobrazni uslovi za vozila i uređaje za zaštitu od podlijetanja sa zadnje strane iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled

homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju: I uređaja za zaštitu od podlijetanja sa zadnje strane; II vozila u pogledu ugradnje uređaja za zaštitu od podlijetanja sa zadnje strane homologovanog tipa; III vozila u pogledu zaštite od podlijetanja sa zadnje strane (Pravilnik broj 58 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 58), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa ("Službeni glasnik Bosne i Hercegovine", broj /2010).

ECE pravilnik br. 58 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

### III HOMOLOGACIJA I ISPITIVANJE

#### Član 3.

Homologacija vozila i uređaja za zaštitu od podlijetanja sa zadnje strane iz člana 1. ove naredbe vrši se na uzorcima tipa obuhvaćenim ovom naredbom.

Homologacijska ispitivanja vozila i uređaja za zaštitu od podlijetanja sa zadnje strane iz člana 1. ove naredbe može provoditi samo laboratorija ovlašćena od strane Ministarstva komunikacija i transporta Bosne i Hercegovine.

### IV PROVJERA USKLAĐENOSTI

#### Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 58 prema Odluci o najnižim tehničkim zahtjevima za novoprodukcijena i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

### V PRIMJENA

#### Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Danom stupanja na snagu ove naredbe prestaje da važi „Naredba o obaveznoj homologaciji teretnih i priključnih vozila u pogledu zaštite od podlijetanja sa zadnje strane pod vozilo” („Službeni list SFRJ”, broj 85/87).

Ministar

.....  
mr sc. Rudo Vidović